



04310

閩中李素園著

紀年彙


師白堂藏板

紀年彙敘

遯園先生著作甚富其詩古文辭若干卷皆予逐年點定序述論次者詳矣今癸酉季夏枉顧予西州草堂手一編

龔序

告子曰此予數年來近稿也往年所作皆編體成集今老矣倦於筆墨乃與會所至又不能自禁然亦不多作也唯不多作故不編體而編年命



曰紀年稿子知我者其爲我
序之予受而讀之作而言曰
詩固有體而未嘗不以年進
先生往年之作由元白而進
於李杜復由李杜而進於陶

謝予已敘之甚詳今則益登
李杜陶謝之室而窺其奧宜
其以紀年名也昔太史公化
編年爲紀傳而紀傳未嘗不
編年司馬涑水復析紀傳爲

編年而編年未嘗非紀傳也
先生前此數集皆編體而未
始無年今日諸作皆編年矣
而未嘗離體年與體日進而
無已則將來諸體之多更有

富於前日之編體者正未可
量也莊子曰楚之南有冥靈
者以五百歲爲春五百歲爲
秋上古有大椿者以八千歲
爲春八千歲爲秋此其年誰

爲紀之哉有蒙莊而後知冥
靈而後知大椿然則先生之
紀年者果有窮期否耶予雖
不敢自居爲蒙莊而知先生
之稿之必爲大椿冥靈不敢
後於蒙莊矣先生奚必以老
爲辭於是欣然序之而告於
先生者如此

昔


康熙癸酉季夏蒼岳後學龔

翰題於冶山之西州草堂



翼序

五



西州草堂



紀年彙自序



癸酉之秋予悶坐園中再有刻詩之舉始於辛未之仲夏訖於癸酉之初秋而總題之曰紀年稿有客問予曰子數

李自序

一

年前刻詩數種俱以編體成卷今是集獨不編體而云紀年意何所取也予曰子未悉予紀年之意乎憶數年前所作之詩年雖向老才華尚壯

閱歲未久而篇什畧多或四年而一刻焉或兩年而一刻焉故得以編體成集今予年八十一矣精力已減詩腸漸枯將無意於筆墨矣第夙緣

李自序

二

未忘尚有嘶風之興偶遇良朋倡和或觸景感懷遂不禁鏤腸以思滌胃而出也所惜者才情蹇澁所作無多耳思暮年無多之作似應聽其散

佚但廻想苦心搦管之時寢食俱忘又殊可念也因是不忍終棄將依倣前集編體以付梓人而章數頗少於前難以成卷後來若有新作欲行

李自序

三

增補而編體之刻又已定矣因名之曰紀年稿欲使每年之內所作多少可以節次續入倘今日以後餘年尚多則篇什漸富使世人覽是集者

見予年齒雖邁而好學未衰
日就月將不至虛糜歲年之
粟庶生前不覷顏於世間沒
後亦可無媿於地下矣

康熙癸酉立秋後一日八十

李自序

四

一叟丹霞李贊元題於石
城旅次之抑戒堂



紀年藁目錄

辛未年藁

辛未夏松門和尚過訪

仲夏訪松門精舍談久而歸

燕子來

有小引

天根和尚與子深交有年矣戊辰春自檀度

來至石頭辛未夏將回檀度賦一章送之

次笠居和尚長夏感懷韻四首

紀年藁

目錄

辛未仲秋望日祝徵君王山史七奏

酬秦中王節菴兼寄其尊人王徵君

辛未重九前三日初度二首

辛未九月遯園雅集次季木菴韻四首

程穎菴茅孺人四十雙壽二首

壬申年藁

春日閨思二首

壬申春松門和尚將遊長安作詩留別次韻

贈送四首

春日山中詩

壬申春日金陵旅次自述八首

春郊有感二首

次韻靖節飲酒詩二十首有序

次韻阮嗣宗詠懷詩十二首有序

春日郊遊二首

席上聽友雲漢林歌新詩賦贈四首

秋閨曲四首

豪士行四首

紀年藁

目錄

二

衡門二首

臨春閣行

遣懷

閉戶

夜長

獨坐

散悶

久客金陵

可嘆

逢秋二首

壬申九月八月初度病起述懷四首

遣興

病後有感

病起行視林園

壬申白下守歲二首

癸酉年藁

癸酉遯園元日

癸酉人日輪山大師蔣波澄諸賢同集

癸酉春寓園有懷二首

癸酉元夕二首

癸酉春日同人集飲抑戒堂有賦

仲春偕同人到遯園看紅梅限梅字花字二首

遯園自遣

自嘲

紀年藁

目錄

三

江梅詩有序

感舊

春日遯園偶述

花朝日有感

送春詞

蔣波澄秋水堂

癸酉初夏遯園旅懷二首

避人

遯園夕望

仲夏觀秦淮燈舟

高士吟

登樓

竹園

季夏園中散步二首

智士行

壯士行

名士行

義士行

次韻董榕菴見懷之作二首

何處銷愁好八首

癸酉九月初度二首

癸酉生日輪公以詩見贈次韻奉答二首

九日不登高二首

老病不飲客過集飲坐觀而已悵然作二首

園亭獨立三首

送輪公回閩二首

紀年彙

目錄

四

題菊蝶圖壽蕭涵三八十

冬夜不寐

垂老歎二首

長夜有歎

歲暮旅懷

夢求仙詩

歸夢

補遺詩

歲暮旅懷三首

冬日德州旅次

落花詩

金陵清明卽事

燕都感懷四首

懷友人十三首

紀年橐

閩漳李贊元匡侯著

辛未夏松門和尚過訪

以下係辛未年作

丘壑棲遲興有餘。朱門奕奕竟何如。已懷元亮歸荒徑。更喜遠公過草廬。醒眼笑看世上夢。塵談勝讀枕中書。同心不憚時來往。何患地偏歎索居。

仲夏訪松門精舍談久而歸

紀年橐

鴻羽高翔尚可攀。忻然嚮往叩禪關。堂懸玉磬形聲杳。架蓄牙籤嘯詠閒。偶說世緣君欲臥。久聽霏屑我忘還。此時凡想銷何處。但見白雲飛滿山。

燕子來 有小引

松門和尚在二知園閉關有一燕置巢法堂上癸亥秋別去至今八載矣辛未夏復攜一燕來尋舊巢此祥徵也松門屬予作詩紀事賦七言律一章

法堂深窅淨無埃。燕子飛飛往復回。八載辭園

別主去。一朝攜友覓巢來。已知樂土非朝市。轉
憶安身是草萊。此日舊棲幸未毀。知君感歎幾
徘徊。

天根和尚與予深交有年矣。戊辰春自檀
度來。主石頭辛未夏將別。回檀度賦一章
送之。

衰老本無應世心。飄然遠舉入山深。幸逢惠遠
懷元亮。自有興公識道林。三載已傳唱和什。一
紀年橐

朝恐聽別離吟。長江路阻難攜手。當在夢中杖
履尋。

次笠居和尚長夏感懷韻

草閣頻聞蕭寺鐘。藤床竹几白雲封。長歌欲撼
千尋樹。曠覽嘗登百仞峰。海水橫流何處障。天
維有闕幾時縫。野人不管升沉事。坐臥難忘石
上松。

坐滿良朋書滿床。老人自號隱中狂。時吟好句呼天闕。獨把芳尊對夕陽。莫怪侏儒皆果腹。可憐傀儡亦登塲。長江返照漁歌起。一榻清風五夜涼。

其三

蓬蒿爲戶竹爲軒。偷得身閒幸久存。我不嗔人謗。自少世無知己道。方尊盲風怪雨。瀾天怨白馬。朱衣大地昏。猶喜草廬無客過。免教穉子候衡門。

三

其四

迴首當年歲月悠。唾壺擊碎幾時休。移山不憚蓬萊遠。填海欲窮弱水頭。衰至防身惟藥餌。老來寄興在林丘。何時餐盡金光草。乘鶴翱翔遍九州。

辛未仲秋望日祝徵君王山史七袞

天生五嶽鎮九州。太華直逼碧霄頭。巨靈掌劈

兩山斷洋洋河水向中流。自昔名嶽多降神。間
氣誕生甫與申。哲人名世後先出。奇花異草何
足珍。我愛崑嶽王徵君。博學鴻才天下聞。束帛
蒲輪徵不應。獨抱瑤篇臥白雲。時當秋仲月正
中。太原第宅繞彩虹。老人坐受兒孫祝。俯視凡
界盡童蒙。鼓瑟吹笙列錦筵。喜君壽考偓佺年。
天地大文應不朽。何須蓬瀛覓神仙。

酬秦中王節菴兼寄其尊人徵君

紀年彙

四

數載懷人夢裏求。一朝覲面在新秋。烏衣遠跨
三秦地。綵筆高懸百尺樓。司馬先型傳未墜。太
原舊德世長流。因聲寄問徵君去。弓冶無虧任
白頭。

辛未重九前三日初度

七十九年土木身。蕭蕭動履混風塵。愧無偉蹟
光前代。幸免汗名累後人。登陟間攜叩竹杖。遨
遊多戴北山中。黃金散盡鬚眉老。對鏡徘徊一

愴神

其二

百歲僅餘二十年。流光易逝意茫然。曠懷不樂
市朝路。野性偏安草木天。丘壑暫營三楚地。兒
孫多住八閩邊。呼牛呼馬怡然受。抱卷銜杯自
在眠。

辛未九月遯園雅集次季木菴韻四首

未脫人間網。浮沉流俗中。掛冠懸豫北。避世落
紀年橐

五

墻東臺瞰長江水。樓臨碧草峰。縹緗時拂拭。不
受片塵封。

其二

獨坐淒涼甚。嘉賓幸見過。茶香薰几榻。酒氣入
烟蘿。山翠亭前滿。蟲聲秋後多。談深寒自暖。九
月見陽和。

其三

稍仿西園勝。耻談金谷盟。每登巒頂嘯。時動竹

間枰楓葉初更色。黃花未落英。羣賢歡聚首。斗酒爲君傾。

其四

別業須良友。林園構已成。客來羣鳥笑。雲散一堂清。論史是非正。談詩月旦精。何時追洛社。雅會過餘生。

程穎菴茅孺人四十雙壽

四十年來歎數奇。金徽獨對慰相知。猶憐德曜

紀年橐

六

樂借隱。笑殺世間裘馬兒。

其二

同心同德又同年。不羨王侯不學仙。雙爵合歡玉饋

長生酒名

一琴長嘯鹿車前。

春日閨思

以下係壬申年作

獨坐層樓上。遙看青草峰。征夫塞外去。霜鬢夢中逢。恨對同巢燕。愁聞孤寺鐘。花香已滿樹。欲采爲誰容。

其二

一別數千里。愁腸日幾迴。往尋無去路。跂望獨登臺。黃鳥簾前過。穠花亭外開。邊關風雪苦。何不早歸來。

壬申春松門和尚將遊長安作詩畱別次韻贈送

石城門外一江船。燕子鶯兒叫滿天。只爲君行畱不住。斷腸灑淚碧溪邊。

紀年橐

七

其二

風流江左雖多士。我愛稽山一衲翁。何故匆匆分手別。長途自看杏花紅。

其三

爾我同心聲氣深。興來唱和散塵襟。君今別去數千里。此後新詩只自吟。

其四

蒼蒼綠樹一春涼。碧水青山引興長。毛羽已豐

隨處去。十洲三島任翱翔。

春日山中詩

杖履逍遙不記年。興來獨上翠微巔。嘯歌半在烟雲下。坐臥常依木石邊。亭閣千家供眺望。波濤萬頃恣留連。老人不斷興衰感。搔首長呼欲問天。

壬申春日金陵旅次自述

子年今八十。笑語任吾真。自顧冰霜性。羞逢冷
紀年彙
八
暖人掛冠初。爲拙閉戶不知貧。長路荆榛滿。烟霞是我隣。

其二

十一作時義。才華迥不羣。文心竟似錦。豪氣欲
干雲。鄴架牙籤滿。吟聲午夜聞。乘風將破浪。何必讓終軍。

其三

二十又加二。儒衣方着身。廣交名下士。深結意

中人朋會日同宴。書燈夜獨親。所嗟雲路隔。展卷一傷神。

其四

年登三十四。方得主司知。稍報芸牕苦。猶慙雁塔遲。時艱伯樂逝。數蹇卞和悲。太息風雲會。子生獨後時。

其五

承乏大河北。殘黎困未蘇。呼號三郡痛。心血五

紀年橐

九

年枯欲上流。民表難描鄭俠圖。曠官心似結。膽怯夢魂孤。

其六

分藩方五載。憂病忽相侵。救世無良策。拂衣歸舊林。老來行樂少。官去負慚深。擾擾塵中客。誰知遜世心。

其七

旅寓金陵地。名流映後先。才疎甘獨隱。性拙避

羣賢課僕修園圃。繙書任歲年。春風吹綠野。沉醉百花邊。

其八

離鄉歲已久。二十四年餘。只爲烽烟阻。姑依澤國居。吞聲逃網罟。匿影混樵漁。去矣閩中路。呼僮葺我廬。

春郊有感

郭外晴雲散紫霄。遊人爭翫野花嬌。長歌短笛

紀年橐

十

仍依舊畫閣危臺半。已銷紅粉粧來芳蝶繞。錦鞭揮送玉驄遙。如何閩海徜徉客。獨處荒林歎寂寥。

其二

暖日郊原正。及春清風習。習送飛塵縱。觀廣狹。高低路盡是。東西南北人。弱柳初枝鶯語嫩。高堂書棟燕巢新。可憐白髮林泉叟。坐對紅花一愴神。

次韻靖節飲酒詩二十首 有序

余年老氣衰。僑寓白下。性既寡合。又少嗜好。終日兀坐。難以遣懷。遇有良朋。惠顧則呼樽命酌。彼此交懽。庶可解慍。銷愁。慰此永日。因閱靖節公有飲酒詩二十首。依韻和之。與會所至。率爾而成。不暇計其工拙也。

顯榮道所忌。駟馬欲何之。李斯咸陽市。何如逐兔時。盛衰原倚伏。往古及來茲。哲人達斯理。任運何所疑。幸得良朋過。壺觴且共持。

其二

紀年豪

士

厭入塵中網。遯跡入深山。山中有美酒。適然無一言。微醉發長嘯。沉酣忘歲年。此趣柴桑解。痴人難與傳。

其三

升沉原有數。憂樂各有情。事功既不就。乃置身後名。身後事難料。何如樂此生。讀騷又痛飲。得喪安足驚。諂笑權門下。苦辱竟何成。

其四

一鳥南方來。獨自雲外飛。顧瞻舊侶散。迴翔天際悲。伊予離鄉久。魂夢常依依。關山千里隔。長途何處歸。解愁惟有酒。此興幸未衰。投轄予夙好。白首願不違。

其五

置宅在 cities 苦聞人語喧。幡然營別墅。再卜城西偏。登樓恣眺望。四面皆好山。林間數杯酒。歌詠自往還。入暮鍾聲到。禽鳥亦忘言。

紀年橐

十一

其六

末流月旦乖。愛憎無一是。自反苟無虧。遑顧謗與毀。謗毀何足憑。名譽亦徒爾。且酌山中醞。揮灑一振綺。

其七

介性素寡合。晤對盡羣英。披襟論大義。安知世上情。同心聲氣浹。不覺酒盃傾。細玩伐木詩。羨彼黃鳥鳴。座上好客滿。陶然過此生。

能韻鑑
存韻錄

其八

挺挺孤松質。妍艷百花姿。百花初發日。孰顧長
松枝。一旦雪霜下方知。孤樹奇。世人爭苟得榮
華。徒爾爲吾道。永不壞。豈受名利羈。

其九

僻居轍跡少。柴門亦罕開。清風吹綠樹。悠然爽
我懷。我懷本拓落。岸然與世乖。畏彼簪纓累。聊
從林下棲。林棲適我意。安問雲與泥。役役趨名
紀。年臺
客媚骨多所諧。一朝禍患至。方悔昔日迷。予性
天所賦。百折終不回。

其十

我家閩海地。僻處東南隅。一旦上河北。長行萬
里塗。我僕痛以瘁。我馬瘠以驅。詩書本吾素。此
出亦多餘。不如掛冠去。逍遙反舊居。

其十一

仕隱亦何殊。所貴在守道。身名苟不立。百年亦

空老嚴風自北來。百卉皆枯稿。人生隨化遷。容顏難久好。權位世所尊。詩書我爲寶。達人知大義。曠觀在物表。

其十二

二疏傅太子榮寵正及時。盛滿一朝懼。乞骸向闕辭。芳名傳漢代。高節著來茲。道力旣明決。勇退復奚疑。知足能免辱。先民言不欺。豈若貪位子。蒼黃昧所之。

紀年橐

十四

其十三

讀書有大要。積漸入佳境。俗儒守章句。茫若醉與醒。先河而後海。此意誰人領。藏修以息游。功深自脫穎。所以古哲人。繼日夜燭炳。

其十四

寂坐歎無聊。郊外杖履至。攜友入旗亭。相期盡一醉。興來恣譁呼。言笑無倫次。野肴亦可餐。杖頭殊足貴。家觴久已厭。郊飲有餘味。

其十五

茅廬少人境。蓬蒿常滿宅。但聞山鳥聲。不見軒車跡。歲月迅如馳。予年已近百。明鏡照我顏。鬢髮皓然白。流光太逼人。不飲亦可惜。

其十六

少年頗好學。寢食在六經。壯歲欲立功。時艱竟無成。安樂與憂患。此身多所更。麋鹿愛野草。焉敢戀天庭。只有豪氣在。不平時一鳴。快哉峰頂上。酣歌怡我情。

十五

其十七

太白真豪舉。後世仰高風。當時號謫仙。祇在詩酒中。文章千古事。何必問窮通。學劍非長策。時定已囊弓。

其十八

伊昔干戈起。美酒何由得。此日逢太平。不飲是我惑。時運多變遷。人事有通塞。舉杯酌昔賢。擊

壺。弓。亾。國。萬。事。難。盡。言。興。深。但。嘿。嘿。

其十九

昔年聞道淺。匆匆徑出仕。才疎難濟世。節喪先
失已。所賴讀書力。內省知所恥。素餐愧昔賢。拂
衣歸田里。家食歷歲年。屈指過一紀。齒髮半已
凋。榮華亦可止。所願名長存。著述或足恃。

其二十

末俗日趨下。百偽無一真。哲人不可作。何計可
紀年。橐

去

還淳。結交日以久。機械日以新。黃金一旦盡。條
忽越與秦。冷暖今日事。古誼成灰塵。赫赫公侯
第。奔趨旦暮勤。蕭蕭林下叟。終歲無一親。榮枯
理不爽。誰見來問津。世情既如此。且存漉酒巾。
憤來縱一醉。笑殺夢中人。

次韻阮嗣宗詠懷詩

阮嗣宗詠懷詩原八十二首。但章什旣繁。而
命意措詞尚多可議。今選其佳者得十二首。
依韻和之。非敢效
顰聊以述意耳。

懷彼燕趙士。慷慨多悲歌。傾蓋如白首。寒暑亦
來過。同心相勸勉。恒恐歲蹉跎。共登太行山。縱
覽望大河。丈夫重意氣。千金何足多。勢交易反
覆。隙末當奈何。

其二

西方有美人。被服霓裳衣。姿容端且麗。夢想常
依依。欲見無由得。予懷長渴饑。跋涉將往從。猶
恐時會違。河清不可俟。徒使我心悲。願爲雙翼
紀年臺

十七

鳥飄搖天際飛。雲水阻長路。茫茫何處歸。

其三

別墅頗幽僻。接壤清涼岑。危亭對遠山。下有修
竹林。長嘯峰頂上。涼飈吹素襟。高樓遶綠樹。烈
日亦成陰。園鳥鳴樹顛。晨夕皆好音。觸物得佳
詠。悠然一快心。

其四

仙人有瑤草。植根名山陽。下吸長河水。上沐日

月光青青松栢姿。不顧雪與霜。四時無代謝。吐納皆芬芳。涉江將往采。流水欲沾裳。願言餐此草。八表任廻翔。揮手謝時人。俗緣久已忘。

其五

舟重理當覆。墻高勢必傾。旭日啟朝暉。到晚忽西冥。鞅斯三公貴。權位亦已榮。轉盼時運改。一逝不復生。紅顏難長駐。新花不久榮。知幾明哲士。恥與流俗并。三復老氏教。知止愜我情。

紀年臺

十八

其六

桐廬有逸士。高風並日光。胸中無萬乘。佩服卻雙璜。臨江垂一釣。言笑吐清芳。濯足桐江水。曝髮巖山陽。呼吸通帝座。凌風雲際翔。寥寥數千載。危臺峙兩傍。哲人不可作。予懷自感傷。

其七

壯士惜寸陰。恒恐白日冥。騏驥騁長路。挾策萬里征。君門多虎豹。隕涕欲吞聲。太阿不出匣。歛

鏗。自。悲。鳴。豈。同。鄉。曲。士。繩。趨。守。戶。庭。

其八

艤。舟。過。吳。郡。憑。弔。姑。蘇。臺。臺。基。猶。壘。壘。夫。差。安
在。哉。酣。歌。無。晝。夜。諍。臣。擯。草。萊。豈。虞。滯。縱。極。越
兵。渡。水。來。館。娃。巢。燕。雀。響。屨。亦。塵。埃。悲。哉。猶。亭
塚。白。骨。已。成。灰。

夫差塚
在猶亭

其九

木。槿。不。及。夕。迅。雷。不。終。朝。天。運。羸。有。縮。人。事。長。

紀年橐

十九

復。消。高。明。鬼。所。瞰。禍。患。人。自。招。貪。夫。曷。祿。位。智
術。非。不。饒。只。患。嚴。風。至。穠。花。一。旦。飄。達。人。安。義
命。胡。爲。寸。心。焦。

其十

請。纓。赴。戎。幕。運。籌。靖。遐。荒。封。疆。亂。未。定。臣。子。詎
敢。忘。角。聲。搖。海。嶽。旌。旗。蔽。日。光。摧。鋒。如。拉。朽。兵
氣。自。飛。揚。紀。勲。銘。竹。帛。著。績。在。沙。場。歸。來。不。受
賞。千。秋。名。譽。彰。建。功。當。立。節。顯。晦。亦。何。常。

共十一

伯牙學操琴。絕藝過連城。幸逢鍾子聽。感激發
奇聲。移情本山水。寄興在林壑。子期一朝逝。絃
斷不復鳴。賞音難再得。感子知我情。美玉指爲
石。何以慰此生。

共十二

丹山有瑞鳥。羽毛是鳳凰。羞與凡禽伍。飲啄在
高岡。朝陽時一鳴。飛聲震八荒。驚心弋人慕。歛
紀年橐

二十

翻自退藏。寰宇皆羅網。何處可翱翔。枳棘聊寄
足。惻然使我傷。

春日郊遊

旅客愁中老。聊看郊外春。堪憐避世叟。亦逐賞
花人。白馬金鞭麗。紅裙粉黛新。長于遊覽地。到
處見飛塵。

其二

遣悶苦無計。芳郊散步行。青山雨後色。黃鳥柳

中聲日出金鈿曉。雲高錦帶明。老人歡已盡。別後一含情。

席上聽友雲漢林歌新詩賦贈

舊曲傳來久已陳。清歌嫋嫋一番新。此歌今日應難問。不授梨園隊裏人。

其二

朱唇皓齒繞梁聲。占却風流第一名。歌罷不須公瑾顧。青蓮宮調最多情。

紀年橐

王

其三

興到歡來銀燭紅。主人常畏綠樽空。新歌一曲穿雲去。四坐無聲起夜風。

其四

雅興清音屬少年。翩翩玉樹畫堂前。最憐歌出皆殊調。不效時流藉管絃。

秋閨曲

八月秋高馬正肥。防邊壯士幾時歸。君王只愛

干○城○將○違○恤○閨○人○淚○滿○衣○

其二

蟋○蟀○長○鳴○傍○我○床○孤○燈○隻○影○對○空○房○可○憐○無○盡○
懷○人○淚○化○作○三○秋○一○夜○霜○

其三

焚○香○拜○祝○卜○歸○期○塞○雁○南○來○助○我○悲○將○附○數○行○
凭○雁○去○如○何○猶○待○入○春○時○

其四

紀年豪

三

數○載○邊○關○剩○敝○裘○今○朝○霜○落○又○逢○秋○願○君○速○記○
南○歸○好○誰○見○黃○河○水○北○流○

豪士行

颯○颯○悲○風○吹○大○河○我○懷○烈○士○淚○滂○沱○丈○夫○當○爲○
知○音○死○紫○綬○金○章○何○足○多○

其二

白○馬○行○遊○酒○肆○中○百○壺○傾○盡○對○花○叢○幸○逢○燕○趙○
悲○歌○客○十○萬○貲○囊○一○旦○空○

其三

紫。綃。爲。帳。玉。爲。床。傾。國。傾。城。在。曲。房。絕。世。佳。人。
難。再。得。同。啼。同。笑。莫。相。忘。

其四

不。盡。牢。騷。仰。問。天。狂。吟。直。上。白。雲。巔。塵。中。碌。碌。
誰。堪。識。羨。彼。洛。陽。賈。少。年。

衡門

數。畝。衡。門。晝。不。開。空。堦。寂。寂。徧。青。苔。清。風。長。送。
紀。年。橐

三

茅。塵。去。皓。月。多。隨。竹。影。來。偶。爲。客。過。纔。掃。逕。時。
因。遠。望。一。登。臺。不。才。幸。免。宏。詞。薦。省。却。徵。書。下。
草。萊。

又次前韻

石。戶。柴。扉。隨。處。開。長。林。樹。色。照。蒼。苔。閒。庭。但。見。
浮。雲。過。曲。徑。誰。逢。駟。馬。來。抱。卷。醉。傾。千。日。醞。放。
歌。踏。碎。百。花。臺。世。人。莫。羨。朱。門。貴。轉。盼。華。堂。亦。
草。萊。

臨春閣行

噫。呼。陳。家。叔。寶。作。天。子。淫。佚。驕。奢。古。莫。比。巍。巍。
三。閣。欲。干。霄。臨。春。望。仙。並。結。綺。珠。簾。錦。帳。白。玉。
床。只。供。蛾。眉。與。皓。齒。紅。粧。狎。客。競。傳。觴。長。夜。謹。
呼。晝。未。已。艷。曲。嬌。詞。被。新。聲。諧。臣。爭。頌。宮。娥。美。
中。官。嬪。御。代。絲。綸。直。士。忠。言。誰。稱。旨。哀。哀。窮。黎。
亦。何。辜。徵。求。剝。盡。膏。與。髓。天。怨。人。怒。敵。兵。來。猶。
誇。天。塹。可。長。恃。羽。檄。交。馳。御。案。前。彼。昏。不。知。如。

紀年彙

三

充。耳。寧。知。樂。極。已。生。哀。隋。軍。歛。到。金。陵。市。入。井。
避。兵。不。知。羞。股。栗。叩。頭。亦。可。鄙。迴。想。汝。祖。弒。主。
時。天。道。循。環。今。應。爾。只。恨。國。祚。三。十。餘。縱。欲。覆。
亡。千。載。恥。流。及。楊。廣。恣。淫。荒。長。城。縣。公。實。禍。始。

遣懷

忝。荷。皇。天。庇。偷。生。亦。有。年。胡。爲。亘。日。夜。空。自。抱。
憂。煎。未。讀。縹。緗。秘。兼。逢。世。路。偏。旅。愁。無。賴。甚。數。
酌。且。高。眠。

閉戶

蓬戶胡長閉。世情誰可親。由來青眼客。不對白頭人。交寡偏容拙。身閒一任貧。文章千載事。何必混風塵。

夜長

輾轉愁中寐。更長不肯明。嬾窺牕。月影厭聽壁。蟲聲跋涉鄉。關夢淒涼旅。客情何時返。故里穩睡。一身輕。

紀年臺

三五

獨坐

太息浮生事。飄搖無定身。當年束帶客。今日灌園人。去路皆成幻。回頭方是真。所嗟親舊散。獨坐轉傷神。

散悶

僻處城西地。皤皤白髮心。蓬門遲過客。兀坐對空林。愁極思長醉。詩工只自吟。壯年多逸興。回首夢中尋。

久客金陵

作客三千里。離家十八年。縱觀三楚地。憑弔六朝天。客到時同醉。詩成獨自眠。旅魂無近夢。常在八閩邊。

可歎

大雅今誰見。道衰將奈何。莫嫌知己少。應恨不才多。駑馬騁衢路。孤鴻隱薜蘿。滔滔到處是。對酒且高歌。

紀年橐

三六

逢秋

一夜秋風起。愁人枕上知。方聞衣擣後。又見鴈來時。月色時時曉。蟲聲處處悲。他鄉逆旅思。此日倍淒其。

其二

本是多愁客。今朝秋又來。淒風送白露。落葉掃蒼苔。看劍髮皆動。繡書戶不開。天清宜遠望。長嘯一登臺。

壬申九月八十初度病起述懷

致政歸休十八年。幸逢八十亦堪憐。壯顏已逐黃金盡。浩氣空隨白髮遷。覽勝時攜方外杖。行吟多詠枕中篇。今朝臥病長林下。謝絕高車自在眠。

其二

八十衰翁何所求。掛冠拂袖臥林丘。樓頭坐對白雲起。亭際遙看綠水流。伏枕不知世路險。閉門但聽野風秋。回頭屈指榮枯事。總在華胥夢裏遊。

紀年豪

三七

其三

忽忽年華歲易除。蕭蕭鬢髮混樵漁。任天不戀金光草。避世何嫌薜荔居。興到惟看鄴架滿。朋來肯放玉樽虛。老翁此外更何好。只願後人讀我書。

其四

百歲遐齡不可期。一丘一壑且棲遲。石城花鳥空相憶。閩地山河怨別離。立德未遑徒自愧。著書雖富幾人知。此身飄泊踪何定。嬾倚柴門獨賦詩。

遣興

鬢髮蕭蕭白。光陰如逝波。撫時將痛哭。對鏡一悲歌。道晦知音少。家遙歸夢多。新詩數卷在。尚得慰蹉跎。

紀年橐

天

病後有感

衰來病亦至。伏枕已三旬。過荷蒼天眷。長存碩果身。詩書應送老。吟詠不辭頻。但恐才華盡。偷生白髮人。

病起行視林園

別汝已多日。今晨暫一行。林花皆獻笑。谷鳥亦飛鳴。亭上江流色。樓頭葉落聲。老人歡已足。愁病一時平。

壬申白下守歲

光陰易逝與時遷。臘盡春來又復然。架上圖書
聊自慰。鏡中鬢髮亦堪憐。今宵守歲將辭歲。明
且添年是減年。轉老無方應任運。新詩且詠夜
燈前。

其二

致政歸休淮水邊。每逢除夕倍凄然。他鄉臘酒
愁中盡。故里園梅夢裏懸。坐對燈殘別舊歲。心
驚漏轉入新年。韶華已逝鬢眉老。聊把瑤篇伴
醉眠。

紀年稟

三九

癸酉遜園元日 以下係癸酉年作

八十餘年叟。重逢綠野春。亭臺已漸舊。花鳥又
加新。厭作朱門老。甘存葦戶身。登高一眺望。嗟
彼利名人。

癸酉人日輪大師蔣波澄諸賢同集

歲華逢七日。八十一年春。綠勝俗非舊。椒觴酒

尚○新○飛○杯○歡○几○榻○握○手○傲○風○塵○爲○問○朱○衣○客○何○
如○白○髮○人○

癸酉春寓園有懷

春○日○石○城○曉○春○風○綠○野○過○高○峰○無○積○凍○深○谷○見○
陽○和○寶○騎○喧○芳○野○幽○人○臥○薜○蘿○故○園○何○日○到○遠○
望○一○悲○歌○

其二

新○鳥○報○春○至○故○鄉○花○已○飛○羈○棲○千○里○夢○跋○涉○幾○

紀年稟

三

時○歸○登○眺○雲○山○秀○行○吟○草○木○菲○林○園○豈○不○樂○異○
地○寸○心○違○

癸酉元夕

香○車○寶○騎○共○留○連○公○子○佳○人○醉○錦○筵○此○日○風○光○
不○似○舊○如○何○燈○燄○亦○薰○天○

其二

萬○戶○連○燈○照○石○城○誰○家○不○樂○管○絃○聲○可○憐○閩○海○
風○流○客○獨○閉○衡○門○看○月○明○

癸酉春日同人集飲抑戒堂有賦

不才分守大河邊。數載曠官媿昔賢。尸位素餐
世所恥。乞休具疏賦歸田。叨蒙主恩依我請。
奈何故里正烽烟。長塗險阻難歸去。因就金陵
置一廛。金陵夙稱風流地。豪士才人映後先。王
謝諸公矜絕代。烏衣子弟亦翩翩。予也閩海耽
書客。僑寓茲土十八年。索處離群誰握手。閉戶
苦吟獨自憐。癸酉之歲春正月。風雨瀟瀟日夜

紀年臺

三

綿。老人避愁無良策。幸有群賢集我前。清言雅
致笑裘馬。評今說古驚八埏。所慚鄙人無雅饌。
姑命紅裙佐疏筵。紅裙孃孃各異態。短唱長歌
和管絃。不須天姿與國色。已令聞聲思黯然。興
到狂歌傾一石。觥籌交錯恣流連。只願夜漏遲
遲轉。勿使晨鷄報曉天。金谷園集真豪舉。前歌
後舞何踟躕。綠野堂開傳盛事。冠裳濟濟若登
仙。非常之會難再得。何如斗酒詩一篇。我懷七

賢○千○載○士○竹○林○長○在○夢○中○懸○

仲春偕同人到遯園看紅梅限梅字花字

春○色○晴○光○麗○芳○林○新○鳥○來○攜○尊○到○綠○墅○邀○客○看○
紅○梅○荒○徑○幾○時○掃○柴○扉○今○日○開○同○心○無○限○興○把○
酒○復○登○臺○

其二

春○滿○長○林○樹○人○看○已○放○花○謹○聲○搖○几○榻○逸○趣○入○
烟○霞○痛○飲○臘○中○醞○閒○烹○雪○後○茶○老○夫○歡○未○盡○遑○

紀年稟

三

問夕陽斜

遯園自遣

寂○處○衡○門○下○頽○然○不○礙○身○雲○霞○爭○入○坐○花○鳥○欲○
依○人○日○躡○謝○公○屐○時○縫○陶○令○巾○可○憐○名○利○客○白○
首○困○風○塵○

自嘲

自○揣○無○才○甘○隱○淪○何○爲○紱○綬○又○加○身○升○沉○出○處○
皆○如○戲○無○怪○承○禎○笑○殺○人○

江梅詩

有序

距弘濟寺數里地名朱家灣村民十數家散處其中長子孫數世矣村有合抱老梅數百株星列碁布至開花時則各色紛披香聞四野此中人惟種梅營生不通城市而外人亦莫之知也數年來有遊人到此傳道其事而車馬遂雲集矣癸酉仲春予聞此事亦興發將往忽報花開已殘乃悵然而作此詩

金陵風俗好遊觀。每至花開必往看。香車寶騎紛如織。不論峰頂與江干。獨有弘濟去數里。寥寥村居數家耳。村梅合抱數百株。花時雰雰間

紀年彙

三

綠紫。此村僻處大江濱。衣食恍似葛天民。足跡未嘗到城市。種梅自樂不告人。年來遊人到此村。方知世外一乾坤。耕食鑿飲忘帝力。塵世繁華何足論。復有桃李相糾纏。朝夕坐卧老梅邊。春至花香散廣陌。夏來何處見炎天。此事喧傳徧都邑。遊人絡繹競雲集。玉簫金管花間吹。公子佳人樹下立。我聞此言神飛爽。時近花朝將一往。奈何良緣未易逢。忽報花殘已飄蕩。憶昔

武陵桃花林。郡守欲往無處尋。我今將訪江梅去。又值花落沮我心。世變榮枯不可測。人生快事難遽得。白頭非是嬉春時。獨閉柴門長歎息。

感舊

二十餘年寓白門。蕭蕭旅况豈堪論。新知僅有青山在。故友殊無白髮存。不見良朋來問字。誰聞豪客共呼尊。鄉關遙隔同心盡。坐對空林欲斷魂。

紀年豪

春日遊園偶述

衰老歸休惟杖藜。聊營別墅白門西。盤桓芳徑看花發。兀坐空亭聽鳥啼。酒到深愁偏易醉。詩求絕詣反難題。不堪寥落思歸去。無數關河一望迷。

花朝日有感

名花各種及時栽。時到花朝應盡開。白髮對花無限恨。何方得轉少年來。

送春詞

暮○春○三○月○心○事○違○蕭○然○悶○坐○閉○柴○屏○枝○頭○忽○聽○
杜○鵑○叫○報○道○春○光○將○欲○歸○春○歸○無○賴○獨○悲○吟○一○
望○長○林○落○花○深○紅○消○綠○長○佳○人○怨○急○欲○留○春○何○
處○尋○由○來○榮○華○易○反○覆○來○日○無○多○去○日○速○高○車○
駟○馬○耀○朱○門○轉○盼○銷○沉○嘆○白○屋○憶○昨○當○年○少○壯○
時○流○光○忽○忽○鬢○成○絲○今○朝○欲○復○當○年○事○怱○然○長○
往○無○還○期○爾○我○周○旋○八○十○年○年○來○去○誼○纏○綿○

紀年彙

三五

柰○何○且○夕○將○分○手○能○無○銷○魂○一○黯○然○時○事○波○瀾○
歲○月○更○君○今○戀○舊○獨○多○情○九○月○睽○離○難○久○待○聊○
斟○別○酒○送○君○行○

蔣波澄秋水堂

數○椽○鄴○架○白○雲○間○屏○絕○塵○緣○不○可○攀○閉○戶○自○吟○
千○首○賦○開○門○遙○接○萬○峰○山○坐○中○時○聽○湖○聲○到○牕○
外○夕○看○鳥○影○還○無○盡○巍○樓○與○翠○閣○何○如○秋○水○一○

堂閒

癸酉初夏遯園旅懷

屢見紅花落。重逢綠草菲。江聲搖石榻。峰影壓柴扉。卷幔行雲入。狂歌宿鳥飛。故園千里隔。逆旅素心違。

其二

久別鄉關路。旋歸未有期。依山營別墅。種竹作疎籬。入世林花笑。逃名谷鳥知。幽棲予夙願。非敢傲當時。

紀年橐

三六

避人

世途多險阻。何處可容身。道喪誰知我。官休合避人。詩成豎子笑。言出老儒嗔。閉戶存吾拙。漁樵是比隣。

遯園夕望

向夕空林際。蕭然獨閉關。禽聲全在樹。日色已歸山。樵子行歌去。漁翁市酒還。故鄉雲外杳。眺望亦愁顏。

仲夏秦淮觀鎗舟

五。月。雲。開。天。氣。清。長。淮。畫。艇。漫。縱。橫。朱。樓。花。映。
嬋。娟。色。碧。水。波。流。絲。竹。聲。公。子。酣。歌。誇。絕。調。佳。
人。側。盼。最。多。情。滄。桑。遞。改。燈。舟。在。惆。悵。江。頭。對。
月。明。

高士吟

婢。膝。奴。顏。亦。可。悲。滔滔。日。下。少。還。期。千。金。不。顧。
魯。連。節。五。柳。長。吟。陶。令。詩。正。氣。羞。稱。嬴。氏。帝。折。
紀。年。藁

三

腰。耻。事。里。中。兒。高。風。皎。皎。千。秋。著。愧。殺。乞。哀。昏。
夜。時。

登樓

高。樓。獨。上。碧。天。清。縱。目。遙。觀。白。下。城。鍾。阜。峰。巒。
千。載。色。秦。淮。流。水。六。朝。聲。只。愁。亭。館。多。非。故。猶。
恨。民。風。半。已。更。世。代。廢。興。君。莫。問。倚。欄。長。嘆。一。
樽。傾。

竹園

別墅經營跨石城。長林翠竹映花明。數杯淥酒
花邊臥一卷新詩。竹下行。偶憶七賢。竹林神欲往
每懷六逸。竹溪夢常清。老人不管塵中事。坐聽枝
頭黃鳥聲。

季夏園中散步

世路皆荆棘。奚堪門外行。苦吟依竹影。緩步聽
禽聲。雲散層峰出。天高遠樹明。閉關無俗客。長
嘯一含情。

紀年藁

其二

耄齡誠可慰。衰質亦堪憐。徒倚青山下。徘徊芳
草前。囊空甘蕚戶。頭白任殘年。散步多餘興。酣
歌自在眠。

智士行

文種劍已賜。武安身亦亡。功成謀臣棄。烏盡良
弓藏。所以子房智。萬戶不敢當。陶朱亦哲士。汎
舟五湖旁。悲哉貪位子。得喪兩茫茫。

壯士行

秦王索趙璧。餘威震四隣。西楚鴻門讎。見者驚若神。樊噲裂眦視。項籍不敢嗔。相如手持璧。談笑目無人。藺樊真壯士。膽畧大於身。鄙哉秦舞陽。獻圖乃逡巡。

名士行

曹魏非小敵。仲達亦稱雄。符秦兵百萬。何處不摧鋒。綸巾行壁壘。諸葛真卧龍。圍棋坐制勝。安

紀年彙

三五

石何從容。祁山竟克敵。淝水亦成功。二公洵名士。千載誰與同。

義士行

襄子滅智伯。豫讓甘自戕。張超陷敵國。臧洪亦隨亡。人誰不惡死。國士恩難忘。身殞刀鋸下。名懸日月旁。所嗟負義子。老死穢山岡。

次韻董榕菴見懷之作

聞聲歲已久。不憚買舟尋。遠荷文旌顧。相逢逸

興深懇懃數日面睽別七年心何意衡門老猶承金玉音

其二

迴憶定交日悠悠何處尋懷人愁地遠別思怨年深所賴雲霄誼難移風雨心寸函解我愠感激爲知音

何處銷愁好

何處銷愁好林園芳草天鶯聲綠樹杪花影碧

紀年藁

四

牕前石磴臨池坐藜牀倚竹眠數杯淥酒後一杖入雲烟

其二

何處銷愁好蕭然一葉舟往尋嚴子釣遙訪范公遊大地時漂蕩長江無斷流光風與霽月觸目亦忘憂

其三

何處銷愁好登高眺八垓北瞻煬帝屋東望夫

差臺吳苑走麋鹿。隋宮沒草萊。豪奢亦易盡。愁怨何爲哉。

其四

何處銷愁好。良朋唱和多。苦吟時兀坐。得句自長歌。笑語驚山鬼。杯聲動薜蘿。愁中聞客過。我樂竟如何。

其五

何處銷愁好。相知聲氣深。世無子期聽。誰識伯

紀年彙

四十一

牙。琴文好。忻同賞。詩工歎。共吟可。憐卞氏璧。千載爲傷心。

其六

何處銷愁好。牙籤貯五車。老儒拘訓詁。未學泥經書。草屋逢金簡。蓬門有石渠。見聞此日廣。不樂復何如。

其七

何處銷愁好。名娃可解頤。冶容俗子喜。嬌唱富

兒知我愛真姬節。尤憐洪度。薛濤字詩風流久絕。響寤寐在蛾眉。

其二

何處銷愁好。殊方遇舊親。故園千里地。逆旅數年身。一見鄉中客。似逢家裏人。坐談問訊久。喜極轉傷神。

癸酉九月初度

八十一年衰暮心。晦明風雨卧長林。雙眸尚辨紀年藁。

四三

枕中字。兩耳猶聞塵外音。時檢牙籤攤秘冊。不須邛杖上青岑。只因覽誦多遺失。歲序移人抱恨深。

其二

荏苒流光歲月馳。老來弱態鏡中知。蕭蕭白髮今垂盡。奕奕紅顏久已移。竟日長吟難滿卷。終筵痛飲不盈卮。精英漸竭菁華去。豈是當年破浪時。

癸酉生日輪公以詩見贈次韻奉答

八○光○陰○又○一○春○懸○弧○正○在○菊○花○辰○掛○冠○本○具○
山○中○興○閉○戶○羞○看○世○上○塵○敢○說○林○泉○高○蹈○客○聊○
稱○造○物○等○閒○身○回○頭○往○事○皆○歸○幻○總○是○悠○悠○夢○
裏○人○

其二

別○墅○棲○遲○避○地○深○衡○門○不○受○世○緣○侵○放○懷○欲○學○
孫○登○嘯○悶○坐○慙○無○梁○甫○吟○日○展○山○書○柳○下○看○時○
紀○年○藁○

四三

攜○箬○酒○月○中○斟○只○愁○故○里○關○河○隔○衰○老○難○堪○逆○
旅○心○

九日不登高

鬢○髮○皤○皤○歲○月○催○不○堪○攜○杖○自○登○臺○久○將○朱○紱○
還○朝○去○寧○有○白○衣○送○酒○來○絳○葉○遙○承○鴈○影○下○衰○
顏○耻○對○菊○花○開○故○鄉○遠○別○千○山○隔○謾○謾○秋○聲○不○
盡○哀○

其二

老年非復少年時。每遇良辰空自悲。無分登山
傾。涿酒。只堪采菊對疎籬。淒風颯颯免吹帽。華
戶蕭蕭嬾賦詩。此日思鄉情倍切。愁懷惟有白
雲知。

老病不飲客過集飲坐觀而已悵然作
客來時集飲美醞必同斟。只恨年華邁不堪。酒
力侵合歡多逸興。悶坐亦傷心。何日能還少。招
朋入竹林。

紀年藁

四四

其二

當日嘉賓讌。酣歌無限情。光陰催我老。樽杓看
人傾。豪氣昔何壯。愁懷今未平。衰來百事去。飲
恨欲吞聲。

園亭獨立

獨立園亭際。登高望八方。樓臺何巨麗。車馬亦
蒼黃。不入風塵裏。聊依草木旁。可憐枝上鳥。四
表任翱翔。

其二

獨立園亭際。遙看江水流。
奔濤將斷岸。烈日亦成秋。
時見光芒色。何殊渤海遊。
幽人興未盡。縱覽幾銷憂。

其三

獨立園亭際。晴雲四面來。
欲浮澄遠閣。將壓讀書臺。
讀書澄遠俱園內臺閣名映日連山白。因風繞戶開。

此中多逸興。何處覓蓬萊。

紀年彙

四十五

送輪公回閩

握手閩燕際。重逢白下時。
何愁棲異地。猶喜讀君詩。
古製誰能識。元音予獨知。
匆匆分別去。久客得無悲。

其二

此別將何往。駕言歸故鄉。
千峰山色變。萬壑水聲長。
寓目皆生興。題詩應滿囊。
幾時重見面。壇坵共飛揚。

題菊蝶圖壽蕭涵三八十

天地升沉本不齊。日月代謝疾如馳。世事遞更難遽定。陵谷變遷無盡期。由來平陂原一致。世人貿貿安得知。達士曠觀任運去。盛來勿喜衰勿悲。當年廢后長門裏。風雨晦明亦噫嘻。試憶椒房擅寵日。愛憎異態有幾時。五侯門庭豈不赫。朝野聞聲皆嘖嘖。一旦漏盡曉鐘鳴。欲求布衣安可得。予忝餘生八十一。猶存頽顏與弱質。紀年彙

聖

迴想往事在華胥。無盡榮枯亦呼吸。所幸與君親誼好。白頭相對笑傾倒。君今正逢八十齡。凌霜黃菊自長青。超然卓立窮通外。衆人皆醉君獨醒。君不見莊周夢化蝴蝶身。醒來恍惚又非真。莊周蝴蝶同一夢。笑殺耽耽名利人。

冬夜不寐

秋盡冬來夜色寒。一天星月照欄干。老人迴憶當年事。自愧虛生卧未安。

垂老歎

老馬智堪用。夷吾去奈何。秋風吹擊筑。白首動悲歌。萬卷終無益。百年空自多。壯心衰未已。撫劍問山河。

其二

齒髮蕭蕭落。山中卧白雲。榮華何足道。德業恨無聞。嬾入鵷鷺侶。甘同鹿豕羣。老來嗜好少。寤寐在斯文。

紀年藁

長夜有歎

歎息浮生八十餘。烟雲荒草是吾廬。愁來空憶中山酒。興到惟懷秘閣書。豈有高名垂史冊。只堪匿影混樵漁。深更起望長明月。四壁淒淒永夜虛。

歲暮旅懷

秋盡冬深歲暮天。濛濛雨雪戶庭前。久違故土三千里。長寄他鄉二十年。豫北浮名雲外散。家

園芳草夢中懸。此身漂泊歸何處。腸斷石城淮水邊。

夢求仙詩

濁世塵俗日滿前。避俗無方思夜眠。夜中忽夢求仙去。此身直上蓬萊巔。蓬萊本是仙人宅。餐霞吸露白雲邊。稽首拜求仙人訣。乞授靈丹解我纏。仙人顧予莞然笑。汝骨非凡亦非仙。高官厚祿汝不喜。隨俗俯仰汝不前。一片惛惛苦業紀年業。

哭

火旦夕長在腹中煎。難徹無恙安寧福。只合攤書度歲年。予聽此言夢若醒。始悟煩憂是夙緣。守數達天應任運。求方採藥亦徒然。仙人說罷揮手別。乘鶴吹笙入九天。推我復歸塵垢地。驚起愁魂獨自憐。

歸夢

二十餘年別故鄉。夜來歸夢亦淒涼。夢中不識閩關路。無數溪山益斷腸。

歲暮旅懷

以下俱係補遺

嚴風來戶牖。吹葉滿江城。藥臼日邊動。酒筒雪下傾。烏啼寒月出。霧落暮舟橫。何故淒涼地。猶聞簫鼓聲。

又

肅肅北風至。歲時又改秋。長歌時看劍。遠望欲登樓。老至誰青眼。愁來自白頭。閩方無鴈到。歸夢付江流。

紀年臺

晁

又

兀坐亦何言。空庭鳥雀喧。厭貧時作客。避俗不開門。雲影連燈濕。雨聲帶樹昏。哀猿荒嶂外。臥聽欲銷魂。

冬日德州旅次

北望道何長。停車已夕陽。時貪茅屋好。日愛野花香。稚子爭晨爨。寒蛩繞夜牀。鳴鷄起我夢。無乃太匆忙。

落花詩

銷紅墮綠客心傷。乳燕黃鶯共斷腸。弱質漂搖
辭舊樹。無顏歡笑對朝陽。佳人粧罷春閨怨。公
子歸來繡履香。寂寂空庭離別急。一樽相送亦
淒涼。

金陵清明卽事

清明三月綠陰繁。楊柳青青遍插門。蛟蝶尋香
迎粉袖。光風送翠落江村。鴉啼日影聲搖樹。帘

紀年橐

五

銷魂。照梨花酒滿樽。遙望先塋何處。奠晴雲碧草亦

燕都感懷限韻

久別鄉關賦北遊。傷心無語獨登樓。坐看花影
窗前過。時聽泉聲石上流。松徑門深常獨臥。玉
堦路遠向誰求。解愁欲買中山酒。豈惜空囊一
敝裘。

又詩

何事巍巍七尺軀。東方原不及侏儒。淵明松菊
荒三徑。卜式衣冠。耀四衢。鸚鵡學言。偏有調培
塿。種柏亦成株。長安日麗。芳塵滿。前後謹呵馬
上驅。

又

羞將心事向人同。獨對寒雲與夜風。悟到窮通
俱是夢。醒來巧拙亦成空。忘筌半屬得魚客。遠
害偏宜失馬翁。世事由來多反覆。阮公何事哭
紀年橐。

至

途窮

又

翡翠輝煌映紫貂。飄飄綠柳拂長橋。驥嘶櫪下
聲猶壯。鷹入林中色欲驕。易酒數杯消魄礪。燕
歌一曲破淒寥。紛紛六博場中戲。滿局敲來誰
是梟。

懷友人

片刻相思如十年。空亭無語一床懸。清風不送

行人至日隱樓臺碧樹煙。

又

苔徑蓬門久不開。懷人遠望欲登臺。紅花半是
離愁淚。八月秋聲樹樹哀。

又

弱柳寒荷亦已殘。猶能時向閣中看。莫求瀛島
神仙樹。長漢無舟欲度難。

又

紀年彙

五

斜倚長欄望白雲。故園花鳥亦思君。猿啼忽落
數聲怨。夜半愁來未敢聞。

又

獨對空堦數葉秋。淒然半榻復誰求。桃花本是
無情客。一落江潭任水流。

又

錦帶珠袍日照新。長歌脫劍入芳塵。千金一諾
今安在。空教曹丘欲笑人。

又

月照孤幃庭樹空。凭欄悵望別離鴻。誰家復奏
陽關曲。散入寒牀起夜風。

又

錦水鴛鴦不自飛。一天鳴鴈獨相違。想因誤入
桃源裏。日暮滄江無處歸。

又

合歡並蒂發重巖。薄採盈筐又載芟。忽憶採來

紀年橐

五三

誰可寄。凭欄淚濕落花衫。

又

深門寂閉夕風颺。遙望銀樓百尺高。願作長飛
宮裏燕。銜泥君屋未辭勞。

又

禹穴包山應汝探。興來落筆搖滄潭。可憐仙客
凌雲去。誰共攤書解石函。

又

雲雨高唐久已蕪生離奚事獨嗟呼蜀中望帝
若長在何故啼鵑淚欲枯

又

豐城劍氣照芙蓉雙入長江作二龍莫怨雄雌
分兩地天生神物會當逢

紀年豪

五



天坐轉會當逢

芙蓉雙入長江作二龍

又

莫怨雄雌

分兩地天生神物會當逢



